



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS FUSHË KOSOVE

Numri i lëndës: 2024:057445

Datë: 23.04.2024

Numri i dokumentit: 05607832

P.nr.113/24

NË EMËR TË POPULLIT

GJYKATA THEMELORE NE PRISHTIË – DEGA FUSHË KOSOVË - Departamenti i Përgjithshëm, Divizioni Penal, sipas Gjyqtares Laura Hoti Statovci, në lëndën penale të akuzuarve M. K.e akuzuar për veprën penale Sulmi nga neni 184 par 1 dhe B. I. i akuzuar për veprën penale Sulmi nga neni 184 par 3 pika 3.1 të KPRK-së, duke vendosur sipas aktakuzës së Prokurorisë Themelore në Prishtinë–Departamenti i Përgjithshëm PP/II.nr.09/2024F të datës 21.02.2024, në seancën e shqyrtimit fillestar jo publik të mbajtur me datë 22.04.2024, në praninë e Prokurorit të Shtetit Eset Rama dhe të akuzuarve M. K. dhe B. I, me datë 22.04.2024 mori dhe publikisht shpalli, ndërsa me datë 23.04.2024 përpiloi këtë:

A K T G J Y K I M

Të akuzuarit:

1. M. K., e bija e M....dhe nëna B...., e gjinisë K..... e lindur me, në F...K., me vendbanim në F..... K.. Rr. "T....." të dhëna të konfirmuara nga vete pandehura ne procedure pasi që e njëjta nuk posedon dokumente me vete, ka të kryer shkollën fillore, e martuar, nënë e dy fëmijëve, e gjendjes së dobët ekonomike, rome, Shtetase e Republikës së Kosovës.
2. B. I, i biri i B.... dhe nëna M....., i lindur me, në F... K...., me vendbanim në F.. K....., Rr. "....." me numër personal, të dhëna këto të vërtetuara nga dokumenti i letërnjoftimit të lëshuar nga MPB, ka të kryer shkollën fillore, i martuar, baba i dy fëmijëve, i gjendjes së dobët ekonomike, rom Shtetas i Republikës së Kosovës.

JANË FAJTORË

Sepse:

E pandehura M. K. me datë, rreth orës 10:30h, në rrugën "T...." në F.... K...., saktësisht në shtëpinë e tyre të përbashkët, e pandehura në kundërshtim me ligjin nr.08/1-185 për parandalimin dhe mbrojtjen nga dhuna në familje dhuna ndaj grave dhe dhuna në baza gjinore, me qëllim e ka sulmuar fizikisht të dëmtuarin/pandehurin-bashkëshortin e saj B. I., në atë mënyrë që pas një mosmarrëveshje fillimisht verbale rrethe fëmijëve të tyre të përbashkët, e pandehura në atë moment e sulmon fizikisht të dëmtuarin, duke e goditur me grushte në fytyrë, me të cilin veprim i shkakton dhimbje fizike.

- Me këtë ka kryer veprën penale *Sulmi* nga neni 184 paragrafi 1 të KPRK-së.

I pandehuri B. I. me datën dhe vendin e njëjtë të përshkruar si në dispozitivin e parë, i pandehuri në kundërshtim me ligjin nr.08/l-185 për parandalimin dhe mbrojtjen nga dhuna në familje dhuna ndaj grave dhe dhuna në baza gjinore, me qëllim e ka sulmuar fizikisht të dëmtuarën/pandehurën, viktimën e ndjeshme bashkëshorten-e tij M. K, në atë mënyrë që pas një mosmarrëveshje fillimisht verbale rreth fëmijëve të tyre të përbashkët, i pandehuri në atë moment e sulmon fizikisht të dëmtuarin, duke e shtyrë me duar, me të cilin veprim i shkakton dhimbje fizike,-

- Me këtë ka kryer veprën penale *Sulmi* nga neni 184 paragrafi 3 nënpar.3.1 të KPRK-së.

Andaj, gjykata në bazë të nenit të lartcekur dhe neneve 4, 7, 8, 9, 10, 17, 21, 38, 39, 40, 42, 46, 47, 48, 69, 70, 71, 72 dhe 184 të KPRK-së dhe neneve 358, 359, 360 dhe 364 të KPPRK-së, të akuzuarit i:

GJYKON

1. Të pandehurën M. K.

Me dënim me kusht, duke i shqiptuar dënimin me burgim në kohëzgjatje prej 6 (gjashtë) muaj, i cili dënim nuk do të ekzekutohet nëse e akuzuara në afatin e verifikimit prej 1 (një) viti nuk kryen veprë të re penale dhe

E pandehura obligohet që në emër të shpenzimeve të procedurës penale të paguaj paushallin gjyqësor në shumë shumën prej 20 (njëzet) Euro si dhe shumën prej 20 (njëzet) Euro në emër të kompensimit të viktimave të krimit, të gjitha këto në afat prej 30 ditësh pas plotfuqishmërisë se këtij aktgjykimi.

2. Të pandehurin V. M.

Me dënim me kusht, duke i shqiptuar dënimin me burgim në kohëzgjatje prej 1 (një) viti, i cili dënim nuk do të ekzekutohet nëse i akuzuari në afatin e verifikimit prej 1 (një) viti nuk kryen veprë të re penale dhe

I pandehuri obligohet që në emër të shpenzimeve të procedurës penale të paguaj paushallin gjyqësor në shumë shumën prej 20 (njëzet) Euro si dhe shumën prej 20 (njëzet) Euro në emër të kompensimit të viktimave të krimit, të gjitha këto në afat prej 30 ditësh pas plotfuqishmërisë se këtij aktgjykimi.

A r s y e t i m

Prokuroria Themelore në Prishtinë - Departamenti i Përgjithshëm, ka paraqitur Aktakuzë PP/II.nr.09/2024F të datës 21.02.2024, ndaj të akuzuarve M. K. e akuzuar për veprën penale *Sulmi* nga neni 184 par 1 dhe B. I. i akuzuar për veprën penale *Sulmi* nga neni 184 par 3 pika 3.1 të Kodit Penal të Republikës së Kosovës (KPRK-së, 06/L-074).

Gjykata, në këtë çështje penale juridike ka mbajtur seancën e shqyrtimit fillestar me datë 22.04.2024, në prani të Prokurorit të Shtetit Eset Rama dhe të pandehurve M. K. dhe B. I. ku të njëjtit u njoftuan me të drejtat e tyre, me aktakuzën dhe provat kundër tyre.

Pas leximit të aktakuzës nga prokurori të pandehurit u deklarua se e pranojnë fajësinë për veprat penale për të cilat akuzohet sipas aktakuzës.

Pas deklarimit të pandehurve dhe mendimit të prokurorit se nuk e kundërshtojë pranimin e fajësisë, Gjykata konstatoj se të pandehurit kanë pranuar fajësinë në mënyrë vullnetare dhe pa asnjë presion, të pandehurit janë të vetëdijshëm për pasojat e pranimin të fajësisë, si dhe të gjitha kërkesat nga neni 248 par. 1 të KPPRK-së janë përmbushur. Ashtu që gjykata aprovon deklarimin për pranimin e fajësisë nga ana e të pandehurve.

Duke pas parasysh se gjykata ka aprovuar pranimin e fajësisë nga ana e të akuzuarve dhe ka vërtetuar se nuk ekziston asnjë rrethanë nga neni 357 par.1 pika 1.1, 1.2 dhe 1.3 të KPPRK-së, si dhe faktin se janë plotësuar kushte nga neni 242 par. 6 lidhur me par. 2 të KPPRK-së, atëherë ne këtë çështje penale nuk është zbatuar procedura e provave, por gjykata pas deklarimit të akuzuarve se e pranojnë fajësinë në kuptim të nenit 242 par. 6 të KPPRK-së ka vazhduar me shqiptimin e dënimit.

Me faktet e ofruara në shkresat e lëndës, e po ashtu me pranimin e fajësisë nga ana e të pandehurve është vërtetuar gjendja faktike si në dispozitiv të këtij aktgjykimi. Nga gjendja e vërtetuar faktike si është përshkruar në dispozitiv të këtij aktgjykimit, rrjedh se në veprimet e të pandehurve M. K. dhe B. I. qëndrojnë të gjitha elementet e veprave penale për të cilat të njëjtit akuzohen sipas dispozitivit të aktakuzës.

Sa i përket fajësisë gjykata ka gjetur se të akuzuarit e kanë kryer veprën penale me dashje, ndërsa gjatë procedurës penale nuk janë paraqitur rrethana të cilat do ta zvogëlojnë apo përjashtojnë përgjegjësin penale të tyre, kështu që të njëjtit janë penalisht përgjegjës.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrethanat lehtësuese dhe rënduese në kuptim të nenit 70 të KPRK-se. Kështu si rrethana lehtësuese për të akuzuarit, gjykata ka vlerësuar faktin se të njëjtit kanë treguar sjellje korrekte gjatë shqyrtimit gjyqësor duke pranuar fajësinë, duke u ndier të përgjegjshëm për veprimet e tyre dhe duke shpreh keqardhje për veprën që e kanë kryer, si dhe faktin se të njëjti janë pajtuar mes vete dhe kanë tejkaluar problemet brenda marrëdhënies familjare, vazhdojnë të bashkëjetojnë mes vete dhe të kujdesen për dy fëmijët e tyre të mitur. Të gjitha këto rrethana kjo gjykatë i ka pranuar si rrethana lehtësuese në dobi të akuzuarve. Ndërsa si rrethanë rënduese ishte fakti se vepra penale ishte kryer brenda marrëdhënies familjare.

Andaj, duke vlerësuar këto rrethana, Gjykata në kuptim të nenit 48 të KPRK-se të akuzuarit i gjykoj si në dispozitiv të këtij aktgjykimit, me të cilin do të arrihet edhe qëllimi i dënimit.

Gjykata ka ardhur në përfundim se dënimi i shqiptuar të akuzuarve është në përputhje me shkallen e përgjegjësisë penale të tyre dhe me intensitetin e rrezikimit të vlerave të mbrojtura të shoqërisë. Gjykata gjithashtu është e bindur se vendimi mbi dënim do të shërbej për arritjen e qëllimit të dënimit në pengimin e të pandehurve në kryerjen e veprave penale në të ardhmen veçanërisht llojin e njëjte të veprës penale, por ai do të ndikoj edhe si preventive e përgjithshme për personat tjerë që të përmbahen nga kryerja e veprave penale në përputhje me nenin 38 të KPPRK-se.

Duke u bazuar në nenin 449 par. 2 pika 2.6 dhe 452 par.1 të KPPRK-se si dhe në bazë të nenit 36 par.3 nën par. 3.1 të Ligjit për kompensimin e viktimave të krimit nr.08/L-109, Gjykata ka vendosur për shpenzimet e procedurës penale në shumën e përgjithshme prej 40 Euro për secilin të pandehur.

Nga arsyet e cekura më lartë dhe me zbatimin e nenit 364 të KPPK-së është vendosur si në dispozitiv të këtij aktgjykimi.

GJYKATA THEMELORE NË PRISHTINË-DEGA FUSHË KOSOVË,
DEPARTAMENTI I PËRGJITHSHËM PENAL
P.nr.113/24 datë 23.04.2024

Gjyqtarja e vetme Gjykuese

Laura Hoti Statovci

KËSHILLA JURIDIKE: Kundër këtij aktgjykimi palët kanë te drejtë të parashtrojnë ankesë në afat prej 30 ditësh, nga dita e pranimit të njëjtit. Ankesa i dërgohet Gjykatës së Apelit në Prishtinë përmes kësaj Gjykate.